

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA  
KANTONALNI SUD U NOVOM TRAVNIKU  
Broj: 06 0 K 015927 25 K 2  
Novi Travnik, 25.09.2025. godine

#### U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudija Edvina Kokić kao predsjednika vijeća, Lazarele Porić i Darmina Avdić kao članova vijeća, uz sudjelovanje zapisničara Samre Šiljak, u krivičnom postupku protiv optužene E. G., zbog krivičnog djela „Pronevjera u službi“ iz člana 384. stav 3. u vezi sa stavom 1. Krivičnog zakona Federacije BiH („Službene novine Federacije BiH“, broj: 36/03, 37/03, 21/04, 69/04, 18/05, 42/10, 42/11, 59/14, 76/14, 46/16, 75/17, 31/23, 58/25), po optužnici Kantonalnog tužilaštva Travnik broj: T06 0 KT 0028918 21 od 09.12.2022. godine, nakon usmenog i javnog glavnog pretresa okončanog dana 22.09.2025. godine, u prisustvu Kantonalnog tužitelja Mehe Bradić, optužene E. G. i braniteljice optužene Emine Begić advokata iz Bugojna, dana 25.09.2025. godine nakon obavljenog vijećanja i glasanja, donio je i u prisustvu optužene E. G. i braniteljice optužene Emine Begić advokata iz Bugojna, javno objavio sljedeću:

#### PRESUDU

Optužena: E. G. r. K., sa ostalim podacima kao u spisu,

temeljem člana 299. tačka c) Zakona o krivičnom postupku FBiH

#### OSLOBAĐA SE OD OPTUŽBE

da je:

Kao odgovorna osoba u pravnoj osobi „SPORT PLUS WIN“ d.o.o. Novi Travnik, obnašajući dužnost „VODITELJA REGIJE“ za područje općina Gornji Vakuf-Uskoplje, Bugojno, Donji Vakuf i Jajce, u okviru kojih poslova je bila ovlaštena da iz poslovnica – uplatnih mjesta preuzima novac iz dnevnih pazara i isti polaže tjedno na račun oštećene „SPORT PLUS WIN“ d.o.o. Novi Travnik kod NLB banke d.d. Tuzla, Ekspozitura Vitez, u vremenskom periodu 15.02.2021. godine do 01.03.2021. godine, postupala u namjeri da sebi pribavi protupravnu imovinsku korist tako što novac koji je prikupila iz dnevnih pazara u iznosu od 61.800,00 KM nije položila na račun oštećene već je isti prisvojila i na taj način za navedeni iznos sebi pribavila protupravnu imovinsku korist, a oštetila pravnu osobu „SPORT PLUS WIN“ d.o.o. Novi Travnik,

čime bi počinila krivično djelo „Pronevjera u službi“ iz člana 384. stav 3. u vezi sa stavom 1. Krivičnog zakona FBiH.

Temeljem člana 203. stav 1. Zakona o krivičnom postupku Federacije Bosne i Hercegovine troškovi postupka padaju na teret budžetskih sredstava.

Temeljem člana 212. stav 4. Zakona o krivičnom postupku oštećena pravna osoba „SPORT PLUS WIN“ d.o.o. Novi Travnik se radi ostvarivanja imovinsko-pravnog zahtjeva u cijelosti upućuje na parnični postupak.

Zapisničar  
Samra Šiljak

Predsjednik vijeća  
Edvin Kokić